

ուղարկեալ թուղթ առ Մօսկօֆ և առ Պուլտան թէ Ահա՛ Տաճիկքս այսպէս նուաստութիւն ունին և կամին դալ ի վերայ ձեր պատերազմ, պատրաստ կալլիք և գլէհ ի միջոյ ձերմէ վերուցէ՛ք, և ամենեքեանդ մի լինելով՝ հեշտ լինիցի աստ ի վայր գալ, և ալ բան։ Եւ զայս թուղթ գտեալ սոցին՝ երբ օրս առաջի իւր վէզիրն, և նա ելեալ այն ճոխութեամբ գնացեալ, որպէս օրէն էր նորա և ուրախութեամբ, որպէսզի պսակեսցէ եւ պարզես ինչ տացէ նմա բարութեան՝ ըստ առաջին բանիցն։ Եւ վէզիրն յառաջ գլինքն նմին ցուցեալ թէ Քո՞յ է այս. և նա ասէ թէ Իմ է. և ցուցանէ անդ մեծամեծաց և իշխանացն վուզարային, և տայ ի ձեռս սուպաշուն՝ տանել ի բանտս մահապարտացն։ Եւ ի մօտ երեկոյիս քան զժամն յառաջ յետինքի՝ ատեան բերեալ սուպաշուն և հաստապաշուն մեծաւ սաստմամբ ի բանտէն, և մունետիկն առաջի նորա աղաղակելով գնայր թէ Թագաւորին խայնութիւն առնողին պատիժն այս է և լրտես լինողին պատուհասն այս է, մինչ ի տեղի կախաղանին։ Ի մէջ փողոցին¹⁾ և ի մէջ շուկայիցն անցեալ, տարեալ ձեռսն ի կապ և չուան ի պարանոցն և ի գլուխն²⁾ վեղարն իւր, նոյն կերպիւն և հանդերձիւն և մուշտակաւն և վեղարաւն բերեալ ի սահմանս միջի քաղաքիս որ ասի Պարմաղափու՝ կախեցին, եւ աշխարհս ամենայն ի տեսս նորա գնացին թէ Պատրիարքն³⁾ Հոռոմոց լրտեսութիւն արարեալ և աստ են կախեալ։ Եւ ցառաւօտէ բաց էր օրս, եւ երեկոյիս որ Կիրակի լուսանայր (22 Մարտ) ամպ եղեւ եւ անձրեւ, մերթ բացվէր եւ մերթ ձիւն գայր սառն քամով։ Եւ յետ կէս առուրս եկեալ դահիճն զպատրիարքին կախելոյ զհանդերձն զամենայն առեալ ի վերայէն եւ մերկացուցեալ լոկ՝

1) փողոցն.

2) գլուխն.

3) պատրիարքն.